

COVID - 19

# ԳԻՈՐԳԻ ԳԱԽԱՐԻԱ. «ՎՐԱՍԱՆԸ ՄՆՈՒՄ Է «ԿԱՆԱԶ ԵՐԿԻՐ» ԵՎ ԱՐԴՅՈՒՆԱՎԵՏ Է ԿԱՌԱՎԱՐՈՒՄ ԶԱՄԱՎԱՐԱԿԻ ԱՅՍ ՓՈՒԼԸ»

(Սկիզբը՝ 1-ին էջում)

- Այսօր Վրաստանը մնում է «կանաչ երկիր» եւ, մնացածների համեմատ, արդյունավետ է կառավարում համավարակի փուլը աղապատացիայի եւ կառավարման շրջանում, չնայած որ, դա չէ մեզ համար գլխավոր չափորոշիչը: Մենք հնարավոր է, վաղը գրկվենք «կանաչ երկիր» կարգավիճակից, իսկ մյուս օրը՝ կրկին ձեռք բերենք: Մեզ համար ամենակարեւորն ու առաջնահերթը քաղաքացիների առողջությունն է, երկրորդը, որ անհրաժեշտ չլինի գործարկել սահմանափակումներ, որոնք նույնպես լուրջ ռիսկեր եւ անհարմարավետություն կստեղծեն էկոնոմիկայի արագ վերականգնման ճանապարհին, եւ, իհարկե, երրորդը՝ արդյունավետ ավարտենք ընտրությունների գործընթացը, Վրաստանում անցկացնենք թափանցիկ եւ ժողովրդավար ընտրություններ՝ համավարակի պայմաններում,- հայտարարեց Գիորգի Գախարիան:

Անդրադառնալով համավարակին դիմակայելու երկրում բժշկական ենթակառուցվածքի պատրաստվածությանը թեմային՝ վարչապետը նշեց, որ այսօր երկրում բժշկական համակարգի ենթակառուցվածքը լիովին պատրաստ է, որպեսզի կառավարի կորոնավիրուսի վարակակիր ծանր եւ ծայրահեղ ծանր բուժառուներին: Նրա խոսքով, երկրի ողջ տարածքով գործընթացը լիովին կառավարելի է:

- Կարեւոր է, որ այսօր երկրում բժշկական համակարգի ծայրահեղ եւ ծանր բուժառուների կառավարման ենթակառուցվածքն ամբողջովին պատրաստ է, որպեսզի ճիշտ ձեռով կառավարի ծանր, ծայրահեղ ծանր բուժառուներին: Դրա համար ստեղծվել է կլինիկական խումբ, ռեանիմատոլոգների առանձին խումբ, որը երկրի ողջ տարածքով լի-

ովին վերահսկում է այդ գործընթացը,- նշել է Գախարիան:

Լրագրողների հետ հանդիպմանը Գիորգի Գախարիան կրկին քաղաքացիներին կոչ արեց օգտվել «Stop Covid» հավելվածից, որը նախագրուշացնելով կանխում է վարակված անձի հետ հնարավոր շփումը:

- Մեզ համար ամենակարեւորն է արագ բացահայտել վարակվածներին եւ հաստատել նրանց շփումները, որոնց վրա աշխատում են համապատասխան կառույցները, եւ արագ մեկուսացնել այդ մարդկանց: Այդ իսկ պատճառով, «Stop Covid»-ը արդյունավետ հավելված է, որը մշակվել է առողջապահության նախարարության կողմից: Ես նույնպես ներբեռնել եմ այս ծրագիրը հեռախոսիս մեջ, եւ պետք է հորդորենք բոլոր այն մարդկանց, ովքեր հայտնվում են հիվանդանոցում, որպեսզի ներբեռնեն այս ծրագիրը,- հայտարարել է Գիորգի Գախարիան:

տեւանքով մահացել 27 331 մարդ: Իսպանիայում վարակվել է 884 381, վարակի հետեւանքով մահացել 32 688 մարդ: Իսպանիային հաջորդում են Արգենտինան, Պերուն, Մեքսիկան եւ Գերմանիան: Գախարիան, ընդհանուր առմամբ, վարակվածների թիվը հասնում է 55 087-ի, մահացածներինը՝ 1010-ի, ապաքինվածներինը՝ 45 528-ի: Ադրբեջանում վարակվածների թիվը կազմում է 41 304 մարդ: Վարակից մահացել է 603, ապաքինվել՝ 39 012 մարդ: Գերմանիայում վարակվել է 10 752, մահացել՝ 72, ապաքինվել՝ 5 866 մարդ:

## STOP COVID-19. ՎՐԱՍԱՆԻ ԿԱՌԱՎԱՐՈՒԹՅՈՒՆԸ ԶԳՈՒՇԱՑՆՈՒՄ Է

### Ի ԳԻՏՈՒԹՅՈՒՆ ԾՆՈՂՆԵՐԻ

1. Երեխաներին դպրոց մի ուղարկեք, եթե նկատել եք ջերմության ավելացում (37° եւ ավելի)՝ հազ, հարուխ կամ վարակային այլ ախտանշաններ:
  2. Նման դեպքերում դպրոցի ղեկավարությանը կամ դասղեկին տեղեկացրե՛ք բացակայության պատճառը:
  3. Անմիջապես կանչեք ընտանեկան բժշկին կամ զանգահարե՛ք 112 հեռախոսահամարով:
- Երեխաները դպրոցում. 1. Պետք է պահպանեն առնվազն մեկ մետր հեռավորություն: 2. Հաճախ լվանան ձեռքերը օճառով եւ ձեռքերը շփեն սպիրտի հատուկ լուծույթով:
- Ձեր աջակցությունը նշանակալից է «COVID-19»-ի դեմ պայքարում կառավարության աղապատացիայի եւ կառավարման ծրագրի իրականացման գործում:
- [www.stopCoV.ge](http://www.stopCoV.ge)

## ՎՐԱՍԱՆԻ ՎԱՐՉԱՊԵՏԸ ԶԱՆԴԻՊԵՑ ԿԼԻՆԻԿԱՆԵՐԻ ՆԵՐԿԱՅԱՑՈՒՑԻՉՆԵՐԻ ՀԵՏ

Հոկտեմբերի 8-ին Վրաստանի վարչապետ Գիորգի Գախարիան, բռնազավթված տարածքներից փախստականների, աշխատանքի, առողջապահության եւ սոցիալական պահպանության նախարար Էկատերինե Տիկարաձեն, հանդիպում ունեցան կլինիկաների ներկայացուցիչների հետ:

Հանդիպմանը կառավարության ղեկավարը խոսեց վերակենդանացման առանձին խմբի ստեղծման մասին, որը ղեկավարելու է երկրի տարածքում ծանր եւ ծայրահեղ ծանր հիվանդների կառավարումը, եւ այդ գործընթացն իրականացվելու է Թեմաթի Տերցվաձեի գլխավորած կլինիկական խմբի հետ լիարժեք համաձայնեցմամբ:

Հանդիպումը կառավարության գրասենյակում անցել է հարցուպատասխանի ձևաչափով: Վարչապետը տեղեկացել է կլինիկաների ներկայացուցիչների եւ բժիշկների կարծիքների ու հանձնարարականների մասին՝ կապված կլինիկական, այդ թվում՝ ծանր բուժառուների կառավարման գործընթացի հետ: Նման ձևաչափի հանդիպումները կլինիկաների ներկայացուցիչների հետ կշարունակվեն ապագայում եւս:

## ԿՈՐՈՆԱՎԻՐՈՒՄ. ՏԱԳՆԱՊԱԼԻ ՎԻՃԱԿԱԳՐՈՒԹՅՈՒՆ

Աշխարհում COVID-19-ի հաստատված դեպքերի թիվն անցել է 36,779 միլիոնը: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 1 067 268 հազարը: Ապաքինվել է 27 միլիոն 682 631 մարդ:

Վիրուսով վարակվածների թվով աշխարհում առաջին տեղում է ԱՄՆ-ը, որտեղ հաստատված 7 833 763 դեպք կա: Այստեղ մահացածների թիվը 217 738 է: Երկրորդ տեղում Գերմանիան է, որտեղ հաստատված դեպքերի թիվը հասել է 6 906 151-ի, մահացածներինը՝ 106 521-ի: Վարակվածների թվով հաջորդ տեղում Բրազիլիան է, որտեղ վարակվել է 5 029 539, մահացել՝ 149 034 մարդ: Ռուսաստանում կորոնավիրուսով վարակվել է 1 272 238, վարակի հետեւանքով մահացել՝ 22 257 մարդ: Կոլումբիայում վարակվել է 886 179, վարակի հե-

տեւանքով մահացել 27 331 մարդ: Իսպանիայում վարակվել է 884 381, վարակի հետեւանքով մահացել 32 688 մարդ: Իսպանիային հաջորդում են Արգենտինան, Պերուն, Մեքսիկան եւ Գերմանիան: Գախարիան, ընդհանուր առմամբ, վարակվածների թիվը հասնում է 55 087-ի, մահացածներինը՝ 1010-ի, ապաքինվածներինը՝ 45 528-ի: Ադրբեջանում վարակվածների թիվը կազմում է 41 304 մարդ: Վարակից մահացել է 603, ապաքինվել՝ 39 012 մարդ: Գերմանիայում վարակվել է 10 752, մահացել՝ 72, ապաքինվել՝ 5 866 մարդ:



## ԱՄԻՐԱՆ ԳԱՄՐԵԼԻՉԵ. «ԻՐԱՎԻՃԱԿԸ ԲԱՐԴ Է, ՍԱԿԱՅՆ՝ ԼՐԻՎՈՒԹՅԱՄԲ ՎԵՐԱՅՍԿԵԼԻ»

Հիվանդությունների վերահսկման եւ հանրային առողջապահության ազգային կենտրոնի ղեկավար Ամիրան Գամդելիձեն, մեկնաբանելով վերջին ժամանակներում երկրում եւ առանձնապես Թբիլիսիում վարակման դեպքերի կտրուկ աճը, հայտարարեց, որ Թբիլիսիում կորոնավիրուսի դեպքերի թիվն ավելացել է կանոնակարգերը չպահպանելու պատճառով:

Նա քաղաքացիներին կրկին հորդորեց պահպանել կանոնակարգերը: - Դա պայմանավորված է կանոնակարգերին չենթարկվելու եւ անզգուշության հետեւանքով: Մենք ամեն օր ասում ենք, որ պարտադիր է պահպանել կանոնակարգերը, պետք է զգուշորեն վերաբերվենք Թբիլիսիին՝ հաշվի առնելով մարդկանց բազմաքանակությունը, այժմ ամենավտանգավորը Թբիլիսին է, եւ պետք է կարողա-

նանք լիարժեք ենթարկվել կանոնակարգերին,- հայտարարեց Ամիրան Գամդելիձեն: Անդրադառնալով կորոնավիրուսի դեմ պատվաստանյութի թեմային՝ հիվանդությունների վերահսկման ազգային կենտրոնի ղեկավարը նշեց, որ 2-3 շաբաթում Վրաստանը մեծ հավանականությամբ կստանա այսօրվա ամենահուսադրող եւ պահանջարկ ունեցող «ռեմդեսիվիր» հակավարակային դեղամիջոցը, դա ավելի կնվազեցնի մահացության թիվը:

- Շատ ինտենսիվ բանակցություններ է վարում երկրի ղեկավարությունը, եւ շուտով՝ մոտ 2-3 շաբաթից, Վրաստանը կլինի Արեւելյան Եվրոպայի հավանաբար առաջին երկիրը, որը կստանա այսօրվա ամենահուսադրող եւ պահանջարկ ունեցող «ռեմդեսիվիր» հակավարակային դեղամիջոցը: Ապացուցված չէ, որ այս դեղամիջոցն իրոք բուժում է կորոնավիրուսը, սակայն այլ դեղամիջոցների համեմատ իրոք հուսադրող է: Այս դեղամիջոցը շատ հուսադրող է: Ամերիկայում դեռեւս չեն հասցրել արտադրել այն բավարար քանակությամբ, մինչդեռ մեր կառավարությունն արդեն գնել է եւ 2-3 շաբաթում Վրաստանը, մեծ հավանականությամբ կստանա այն՝ նվազեցնելով մահացության թիվը,- հայտարարեց Ամիրան Գամդելիձեն:

ՄԻՄՆ ԿԻԼԱԶԵ

## ԿԵՆՍԱԹՈՇՎԱԿԱՅԻՆ ԳՈՐԾԱՎԱԼՈՒԹՅՈՒՆ

## ՀԱՍՏԱՏՎԵԼ Է ՆԵՐԴՐՈՒՄԱՅԻՆ ՔԱՂԱՔԱԿԱՆՈՒԹՅԱՆ ՓԱՍՏԱԹՈՒՂԹ

Կենսաթոշակային գործակալությունը հաստատել է ներդրումային քաղաքականության փաստաթուղթը:

Ներդրումային քաղաքականությունը սահմանում է կենսաթոշակային ակտիվների ներդրումների երկարատեւ ռազմավարություն: Փաստաթուղթը մշակվել է կենսաթոշակային գործակալության ներդրումային խորհրդի կողմից, իսկ փաստաթղթի համապատասխանությունը՝ «Կուտակային կենսաթոշակի մասին» օրենքին, հաստատվել է Վրաստանի ազգային բանկի կողմից:

Կենսաթոշակային գործակալության համաձայն, ներդրումային քաղաքականության փաստաթուղթն իրենից ներկայացնում է ներդրումային գործունեության հիմնական փաստաթուղթը, եւ սահմանում այնպիսի խնդիրներ, ինչպիսիք են ներդրումների նպա-

տակները, ռիսկերի կառավարումն ու ներդրումային գործընթացները:

- Ներդրումային քաղաքականության փաստաթղթի համաձայն, ներդրման նպատակը ներդրումներից դրական եկամուտ ստանալն է (հաշվի առնելով արժեզրկումը) 95 տոկոս ու ավելի հավանականությամբ, եւ պահպանել անհրաժեշտ իրացվելիությունն ու ներդրումների պորտֆելի դիվերսիֆիկացումը: Այդ նպատակների համար սահմանվել են Բենչմարկ (նպատակային) պորտֆելը եւ ռիսկի սահմանները: Ներդրումային քաղաքականության փաստաթղթով ամրապնդվեց ռիսկերի կառավարման մոտեցումը: Ռիսկերի կառավարման գործում կենսաթոշակային գոր-

ծակալությունն օգտագործում է պաշտպանության երեք ուղղության սկզբունքը, որը հանընդհանուր ճանաչում ունեցող միջազգային չափանիշ է: Առաջին գիծը հենց ներդրումային ծառայությունն է, որը պատասխանատու է ներդրումային գործընթացում ծագող ներդրումների եւ գործնական ռիսկերի ու դրանց կառավարման համար: Երկրորդ ուղղությունը ռիսկի սպան է, որն ինքնուրույն, անընդհատ ստուգում է ներդրումային պորտֆելի եւ գործարքների համապատասխանությունը: Առողիտի ծառայությունը՝ որպես պաշտպանության երրորդ գիծ, տալիս է միանգամայն անկախ հավաստիացում առ այն, որ ներդրումային ծառայությունն ու գլխավոր ռիսկերի գծով սպան ճիշտ են գործում:

Ներդրումային քաղաքականության փաստաթղթի հաստատումը կենսաթոշա-



կային գործակալության ներդրումային գործունեության զարգացման կարելուազույն փուլն է: Դա կարելու փաստաթուղթ է եւ սահմանում է ցածր ռիսկային պորտֆելի միջոցով ակտիվների տեղաբաշխման երկարաժամկետ ռազմավարությունը՝ բարձր իրական եկամտաբերության հասնելու համար, - ասել է ներդրումների խորհրդի նախագահ Օլիվյե Ռուսոն:

ԿՐԹԱԿԱՆ

ՇՆՈՐՀԱՎՈՐԱՆՔ ՈՒՍՈՒՑԶԻ ՄԻՋԱԶԳԱՅԻՆ ՕՐՎԱ ԱՌԻԹՈՎ



Վրաստանի կրթության, գիտության, մշակույթի և սպորտի նախարար Միխեիլ Չխենկելին մանկավարժներին շնորհավորել է Ուսուցիչների միջազգային օրվա առիթով, ուր մասնավորապես ասված է.

«Յուրեղանքների 5-ը Ուսուցիչների միջազգային օրն է: Ցանկանում եմ սրտանց շնորհավորել ձեզ այս օրվա կապակցությամբ: Դուք այն մարդիկ եք, ովքեր առանձնահատուկ ներդրում ունեք ապագա սերունդների դաստիարակության գործում:

Ձեզանից յուրաքանչյուրը, անշահախնդիր քրտնաջան աշխատանքով եւ արհեստավարժությամբ, մեծ ներդրում ունի ավելի լավ հասարակության ձևավորման գործում:

Ձեր քրտնաջան աշխատանքն ու նվիրվածությունը հատկապես դրսևերկրյան համավարակի պայմաններում կրթական համակարգում առկա մարտահրավերների հաղթահարման գործում:

Վստահ եղեք՝ մենք անկեղծորեն գնահատում ենք ձեր աշխատավորությունը, արհեստավարժությունն ու նվիրվածությունը գործին, որի շնորհիվ հնարավոր է դարձել պահպանել կրթության անխուսափելիությունն ու որակը:

Ես խորապես հավատում եմ, որ ուսուցչին գնահատելը կարելու է, ինչպես այս մասնագիտության հեղինակությունը բարձրացնելու, այնպես էլ՝ ավելի արժանի կադրեր ներգրավելու համար:

Շնորհավորում եմ ձեր մասնագիտական օրվա առիթով եւ շնորհակալություն հայտնում յուրաքանչյուրիդ անձնուրաց աշխատանքի համար:

Մաղթում եմ ձեզ հաջողություն եւ առողջություն»,- ասված է Միխեիլ Չխենկելու շնորհավորական տեքստում, որը հրապարակել է կրթության նախարարության մամուլի ծառայությունը:

ԳՐԹԻ ՇՆՈՐՀԱՆՆԵՍ

«...ՏԵՐԵՆՏԻ ԳՐԱՆԵԼԻՈՎ ՍԻՐՈՒՄ ԵՄ ՎՐԱՑԵՐԵՆՆ ՈՒ ՎՐԱՑՈՒՆ»

Վրաց ակադեմիկոս Բանաստեղծ Տերենտի Գրանելին գրական ասպարեզ մտավ նախորդ դարի 20-ական թվականներին: Դեռևս առաջին բանաստեղծություններից հստակ երեւաց հասուն ստեղծագործողի ու պոետի սեփական ձեռագիրը: «Չոգեհանգիստներ» եւ «Սգո տողեր» անդրանիկ ժողովածուները մեծ համբավ ու լայն ճանաչում բերեցին երիտասարդ հեղինակին: Գրանելուն Վրաց պոեզիայի Փիրոսմանի են անվանում: Նրա քնարերգությանը բնորոշ է թախտին ու միատիկան: Թախտի, ասելիքի խորության, գեղագիտական բարձր ճաշակի վերարտադրությամբ Գրանելուն կարող ենք համեմատել Վահան Տերյանի հետ: Ու թերեւս պատահական չէ, որ հենց Տերյանի համերկրացի Վիկտոր Դովսեփյանն է հայերենով առաջին անգամ մեզ ներկայացրել Գրանելու սքանչելի պոեզիան:

Օրեր առաջ Վիրահայոց թեմի «Չովհաննես Թումանյանի տուն» գիտամշակութային կենտրոնում անվանի գրողի, բանաստեղծի եւ արձակագրի Վիկտոր Դովսեփյանի (1947-1996թթ.) հետմահու հերթական գրքի՝ «Երկխոսություն քնարերգության լեզվով» շնորհանդեսն էր: Երկը գրքի առաջին մասում ներկայացված է բանաստեղծի անտիպ գործերից հայերեն մի փունջ եւ թարգմանաբար վրացերեն (թարգմանիչներ՝ Գիվի Շահնազար, Մաղվալա Գոմաշվիլի): Գրքի երկրորդ մասը զբաղեցնում են վրաց նշանավոր բանաստեղծ Տ.Գրանելու պոետական տողերը՝ վրացերեն ու հայերեն, Վիկտոր Դովսեփյանի թարգմանությամբ: Դովսեփյանը անձամբ չի ճանաչել Գրանելուն, սակայն նրա «Ճշմարիտ» պոեզիան անչափ հոգեհարազատ է եղել նրան: Վրաց գրչակցին համարել է իր պաշտամունքի աշտանակի կերտմանը մեկը: Ահա թե ի՞նչ է խոստովանում Դովսեփյան-գրողը «Վրաստան» թերթին ուղղված իր նամակում (1996թ., օգոստոս): «Ես առաջվա պես ու առաջվանից էլ հասուն սիրում եմ այս պոետին՝ Տերենտի Գրանելուն, նրանով սիրում եմ վրացերենն ու վրացուն, ես այս անգամ էլ եմ կրկնում Գալակտիոնի խոսքը՝ «Կեցցե՛ Տերենտի Գրանելու պոեզիան...»:

Անդրադառնալով միջոցառման ընթացքին եւ նշեց, որ այն բացեց Կենտրոնի ղեկավար, գրողի դուստրը՝ Գիսանե Դով-



սեփյանը: Նա շնորհակալություն հայտնեց գրքի բոլոր աջակիցներին եւ վստահեցրեց, որ ընտանիքը շարունակում է համակարգել բանաստեղծի անտիպ գործերն ու դրանց տպագրությունը:

Ելույթ ունեցան Վրաստանի գրողների միության նախագահ Մաղվալա Գոմաշվիլին, Վրաստանի կրթության, գիտության, մշակույթի եւ սպորտի նախարարության ներկայացուցիչ Ալեքսանդր Գրիգորաշվիլին, բանաստեղծ Բաղաթեր Արաբուլին, Տերենտի Գրանելու թոռը Մամանտի Ռոզավան, գրող Բադրի Քուրաթելաձեն, բանաստեղծուհի Մամանա Գորգիաշվիլին, բանասիրական գիտությունների թեկնածու Էմմա Ախտյանը: Բանախոսները կարելու էին երկրպագու գրքի անհրաժեշտությունը մեր օրերում եւ այն գնահատեցին իբրեւ երկու մշակույթների փոխկապակցման ու փոխհարստացման դրսևերկրում: Ձեռնարկին ուղիղ տեսակապով մասնակցեցին Դեշտիա Գյուլի Վիկտոր Դով-

սեփյանի անվան թիվ 1 դպրոցի աշակերտները: Ներկաներին ողջունի խոսքով դիմեց դպրոցի տնօրեն, վրաց լեզվի ուսուցչուհի, գրողի կրտսեր դուստրը՝ Նանե Դովսեփյանը, իսկ դպրոցականները հանդես եկան երկրպագու գեղեցիկ ասմունքով: Դարկ է նշել, որ միջոցառման իրենց ներկայությամբ պատվել էին Վիրահայոց թեմի առաջնորդ Տեր Կիրակոս վարդապետ Դավթյանը, գրողի այրին՝ տիկին Թերեզա Դովսեփյանը: Բանաստեղծական ընթերցումներով հանդես եկան Գիսանե Դովսեփյանը, Կենտրոնի աշխատակցուհի Գոհար Մազմանյանը, վաստակաշատ ուսուցչուհի Ռոզա Զոհրաբյանը:

Մերօրյա անվանի գրող-թարգմանիչ Գիվի Շահնազարը տեսակապով լսարանին ներկայացրեց իր թարգմանություններից:

Հավելեց, որ «Երկխոսություն քնարերգության լեզվով» գիրքի տպագրությունն իրականացվել է Վրաստանի կրթության, գիտության, մշակույթի ու սպորտի նախարարության «Մշակույթի օժանդակություն» ծրագրի շրջանակներում: Այն գրողի բազմաթիվ գրքի թիվով 17-րդ, իսկ հետմահու 8-րդ հոգեզավակն է: Ընդգծեց, որ հետաքրքրության են արժանի Վիկտոր Դովսեփյանի գեղանկարչական կտավները եւս:

Ընթերցողին ինչեցնեց, որ Վիկտոր Դովսեփյանի ստեղծագործությունները թարգմանվել են վրացերեն, ռուսերեն, գերմաներեն, ուզբեկերեն: Ինչպես արդեն նշվեց, ինքը՝ բանաստեղծը, վրացերենից թարգմանել է Տերենտի Գրանելուն, գերմաներենից՝ Ռայներ Մարիա Ռիկկեին, ռուսերենից՝ Իննոկենտի Անենսկուն եւ այլոց:

1997 թվականին Վիկտոր Դովսեփյանի ծննդավայր Դեշտիա գյուղում իմնադրվել է նրա տուն-թանգարանը եւ ամենամյա Դովսեփյանական պոեզիայի օրը:

ՎԱՐԻՆԵ ՍԱՆՈՒԿՅԱՆ

ՆԱԽԱԶԵՆՈՒԹՅՈՒՆ

ՀԱՅՏՆԻ Ե TBC-Ի «ՍՏԱՐՏԱՓ ԴԵԿՐԵՏ» ՆԱԽԱԳԾԻ ՀԱՂԹՈՂ ԹԻՄ

TBC բանկի կողմից իր աշխատակիցների համար մեկնարկված «Ստարտափ դեկրետ» նախագծի երկրորդ փուլի հաղթող թիմ դարձավ «Իդեա կուրսը»: Ժյուրիի որոշմամբ, եզրակապակից դուրս եկած հինգ թիմերից լավագույն ստարտափ գաղափարի հեղինակներ դարձան TBC-ականներ Մարիամ Աբուլաձեն, Մարիշա Գոգուլաուրին եւ Մարիամ Ցանալան:

«Իդեա կուրսի» ստարտափ գաղափարի իմաստն այնպիսի օնլայն հարթակի ստեղծումն է, որը կրթություն ստանալու է ինքնադրսևերկրվել ցանկացող մարդկանց կապում է ուսուցիչների եւ դասընթացներ կազմակերպողների հետ:

«Ստարտափ դեկրետի» նախագծի հաղթող TBC-ականները հնարավորություն ունեն իրենց համար ցանկալի ժամանակահատվածում օգտվել վեցամսյա լրիվությամբ վարձատրվող ֆիզիոլոգիական արձակուրդից եւ իրականության վերածննդ իրենց բիզնես գաղափարը: Բացի այդ, նրանք ավտոմատ կերպով ներգրավվում են «Ստարտափ պերի» նախագծում եւ կարող են բացառիկ պայմաններով ու արտոնություններով օգտվել ոչ ֆինանսական եւ ֆինանսական սպասարկումներից:

Կրթություն ստանալու պահանջարկի աճին զուգընթաց, ավելացավ նաեւ տարբեր դասընթացների եւ դասերի թիվը: Արդեն շատ են ծրագրերի, մարկեթինգի, չինաբեն ուսուցման, թե այլ դասընթաց-

ների հարցով ընտրությունը, ինչը մի քանի տարի առաջ բացառություն էր կազմում: Թեպետ գոյություն չունի միասնական համակարգ, որտեղ շահագրգռված անձը կարող էր ծանոթանալ բոլոր առաջարկություններին, իսկ դասընթացի հեղինակներն իրենց են ներկայացնում շահագրգռված անձանց: «Իդեա կուրսը» հենց այն ընդհանուր հարթակն է, որը մատչելի կլինի սպառողների համար իրենց հետաքրքրող դասընթացի որոնման, կողմնորոշման, գնի համեմատության եւ ընտրության համար, իսկ դասընթացի հեղինակների համար այն նոր հնարավորություն է բացում գրավել ավելի մեծ լսարան եւ խոսակցել տեխնիկական բոլոր մանրամասներից, որոնք անհրաժեշտ են դասընթացի հետաքրքրության աճի համար, հայտարարեց «Ստարտափ դեկրետ» նախագծի հաղթող Մարիամ Աբուլաձեն:

«Ստարտափ դեկրետը», որը TBC բանկն սկսել էր երկու տարի առաջ, նորարարական նախագիծ է, որը նմանակը չունի երկրում:



Նախագիծը բացառիկ է ոչ ստանդարտ մոտեցումն է, ինչպես աշխատակիցների, այնպես էլ «Ստարտափ պերի» ծրագրի աջակիցների համար:

Այս տարի նախագծին մասնակցեց 14 TBC-ական, նրանք իրենց բիզնես գաղափարները ներկայացրին հատուկ ընտրված ժյուրիի անդամներին, որի արդյունքում ժյուրին կարողացավ ընտրել լավագույն գաղափարի հեղինակներին: Նախագիծն մասնակցելու համար ներկայացված բիզնես-գաղափարները պետք է լինեին տեխնոլոգիական նորարարական:


«Ստարտափ դեկրետի» մի քանի հաղթողներ արդեն օգտվում են իրենց հասանելի ֆիզիոլոգիական արձակուրդից եւ ժամանակը ծախսում են իրենց բիզնես-գաղափարների զարգացման ու դրա իրականացման համար: Նախագիծը շարունակվում է: Հաջորդ հաղթողներին TBC-ին կներկայացնի ընթացիկ տարվա սեպտեմբերին:

ԱՌԱՋԻՆ ԱՆԳԱՄ ՎՐԱՍՏԱՆՈՒՄ ՍՏԵՂԾԿԵՑ ՕՆԼԱՅՆ ԱՊԱՌԻԿ ԹՎԱՅԻՆ ԱԼԻՔ

Սպառողների կյանքը դյուրացնելու նպատակով, TBCganvadeba.ge-ով սպառողի սպասարկումով օգտվելն արդեն հնարավոր է նաեւ առանց տանից դուրս գալու եւ կարճ ժամանակահատվածում:

Դրա համար սպառողը կայքէջում տեղակայված գործընկեր օբյեկտների ցուցակում ընտրելու է մեկ կամ մի քանի ցանկալի իրեր եւ լրացնի պարզ դիմում: Ծրագիրը ավտոմատ քննարկում է դիմումը, որից հետո սպառողը մի քանի վայրկյանում ընդունում է դիմումի հաստատման ծանուցումը եւ վերանում է նրա կողմից մասնաճյուղ կամ խանութ գնալու ու օպերատորի մոտ դիմում լրացնելու, գրուցելու անհրաժեշտությունը:

TBC բանկի առաքելությունն է դյուրացնել մարդկանց կյանքը: Մեր թիմը մշտապես աշխատում է սպառողներին այնպիսի արտադրանք եւ սպասարկումներ մատուցելու ուղղությամբ, որոնք առավելագույն հարմարեցված են նրանց կարիքներին: Գործընթացները ֆիզիկականից օնլայն տարածք տեղափոխելը եւ դրա թվայնացումը այդ ռազմավարության բաղադրիչն են: Ուրախ ենք, որ Վրաստանում առաջինն էինք, ովքեր ապա-



ռիկ սպասարկումներից սպառողներին ընձեռեցինք օգտվելու հնարավորություն, եւ դրա համար նրանք ստիպված չեն լինի այցելել մասնաճյուղ, առավել եւս ներկայիս մարտահրավերների պայմաններում,- հայտարարեց TBC բանկի ապառիկ սպասարկումների զարգացման լիգայի ղեկավար Իրակլի Եվզենիձեն:

Ցանկալի իրը գնելու համար, TBCganvadeba.ge-ով հաստատված օնլայն ապառիկ սպասարկումից սպառողը կարող է օգտվել մեկ ամսվա ընթացքում:

Կայքէջում մշտապես կթարմացվեն նոր գործառնություններ, կթարմացվի նաեւ գործընկեր օբյեկտների ցանկը:

# ՀԱՅԱՍՏԱՆԵ - ԱՐՅԱԽ. Փաստեր, իրադարձություններ

«ՎՐԱՍՏԱՆԵ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶՊՐԵՍԻ ՆՅՈՒԹԵՐՈՎ

## ՀԱՅԱՍՏԱՆՈՒՄ ԱՆՑԿԱՑՎԵՑ ԵՎՐԱՍԻԱԿԱՆ ՄԻՋԿԱՌԱՎԱՐԱԿԱՆ ԽՈՐՀՐԴԻ ՆԻՍԱԸ

**Հոկտեմբերի 9-ին Երևանում, Կ.Դեմիրճյանի անվան մարզահամերգային համալիրում, Հայաստանի վարչապետ Նիկոլ Փաշինյանի նախագահությամբ, անցկացվեց Եվրասիական միջկառավարական խորհրդի հերթական նիստը:**

Նիստին մասնակցեցին Եվրասիական տնտեսական հանձնաժողովի (ԵՏՀ) կոլեգիայի նախագահ Սիլվա Մյասնիկովիչը և ԵԱՏՄ անդամ երկրների կառավարությունների ղեկավարները՝ Ռուսաստանի կառավարության նախագահ Սիլվա Միշուստինը, Բելառուսի վարչապետ Ռոման Գոլովչենկոն, Ղազախստանի վարչապետ Ասկար Մամբինը: Դրոզդատանի կողմից նիստին մասնակցել է Հայաստանում Դրոզդատանի արտակարգ և լիազոր դեսպան Ալիկբեկ Ջեկչենկուլովը:

Դիմավորման և արարողակարգային տեսալուսանկարահանմանը հաջորդեց Եվրասիական միջկառավարական խորհրդի նիստի ներկայումս հանդիպումը, որտեղ խոսքով ելույթ ունեցավ Հայաստանի վարչապետ Նիկոլ Փաշինյանը: ԵԱՏՄ միջկառավարական խորհրդի նիստի շրջանակում քննարկվել են սահմանափակ համավարակային իրավիճակի և Միությունում ուղեւորափոխադրումների վերականգնման հարցեր, ուղեւորային հաղորդակցության անվտանգ վերականգնման ուղղությամբ անելիքները, ինչպես նաև Եվրասիական ինտեգրացիայի զարգացման ռազմավարությունը, այլ հարցեր:



Որոշվեց ԵԱՏՄ միջկառավարական խորհրդի հաջորդ նիստն անցկացնել հեկտեմբերի 4-ին, Մոսկվայում:

### ՓՄՍՏԵՐ՝ 12-ՕՐՅԱ ՄԱՐՏԻԿԱՆ ԳՈՐԾՈՂՈՒԹՅՈՒՆՆԵՐԻՑ

Ինչպես արդեն հաղորդել ենք, Արցախի հետ շփման գծի ողջ երկայնքով սեպտեմբերի 27-ի վաղ առավոտյան Ադրբեջանն ակտիվ ռազմական գործողություններ է սկսել: Հրե-տակոծվում և հրթիռակոծվում են նաև խաղաղ բնակավայրերը, այդ թվում մայրաքաղաք Ստեփանակերտը և Շուշին: Ադրբեջանի զինուժը թիրախավորել է նաև Հայաստանի զինվորական և քաղաքացիական ենթակառուցվածքները: Արցախում և Հայաստանում Ադրբեջանի սանձազերծած ագրեսիայի, ողջ զինանոցի կիրառման հրե-տակոծման, ԱԾՍ հարվածների և հրթիռակոծման հետևանքով 21 քաղաքացիական անձ է զոհվել, վիրավորվել 80-ից ավելին: Արցախի դեմ Ադրբեջանի սանձազերծած պատերազմում հայկական կողմից զոհվել է 350 զինծառայող և կամավորական: Վերջին տվյալներով, հայկական կողմը ոչնչացրել է հակառակորդի 4 069 զին-ծառայողի և ահաբեկչի: Թշնամու կորուստներն են՝ 145 ԱԾՍ, 16 ուղղաթիռ, 17 ինքնաթիռ, 496 միավոր զրահապեխ-նիկա և 4 ՏՈՍ:

## ՆԻԿՈՒ ՓԱՇԻՆՅԱՆ. «ԽԱՂԱՂՈՒԹՅՈՒՆԸ ՄԻՇՏ ԵՂԵԼ Ե ՄԵՐ ԳԼԽԱՎՈՐ ԵՎ ԳԵՐԱԳՈՒՅՆ ՆՊԱՏԱԿԸ»



**Ինչպես արդեն հաղորդել ենք, սեպտեմբերի 27-ին արցախ-ադրբեջանական շփման գծի երկայնքով սկսվեցին ակտիվ մարտական գործողություններ: Նույն օրը Հայաստանում և Արցախի Հանրապետությունում հայտարարվեց ռազմական դրություն և համընդհանուր զորահավաք:**

Հոկտեմբերի 8-ին, «Euronews»-ին տված հարցազրույցում Հայաստանի վարչապետ Նիկոլ Փաշինյանն ընդգծեց, որ Հայաստանն ու Արցախը պատերազմ սկսելու պատճառ չունեն, քանի որ ռազմական խնդիր չունեն լուծելու, հավելելով, որ ակնհայտ է՝ ընթացող պատերազմը սկսել է Ադրբեջանը: - Միջազգային հանրությունը և ԵԱՀԿ Մինսկի խմբի համախաղաղությունը պետք է արձանագրեն, թե ինչ է տեղի ունեցել և ինչ է տեղի ունենում: Մենք ողջունել ենք ԵԱՀԿ Մինսկի խմբի համախաղաղ երկրների նախագահների ու ԱԳ նախարարների հայտարարությունը, և այդ թուրքիան է

հայտարարել, որը կարծում է, թե Ադրբեջանը չպետք է դադարեցնի ռազմական գործողությունները, և, ըստ էության, այն մնացել է Թուրքիայի տված հանձնարարականի շրջանակներում: Սա ցեղասպանության սպառնալիք է: Այդ ցեղասպանության իրականացման գործում այսօր ներգրավված են միջազգային ահաբեկիչներ, որոնք հավաքագրվել են տարածաշրջան են բերվել Թուրքիայից ու կռվում են Ադրբեջանի կողմից: Այս փաստն արդեն ճանաչել են մի շարք երկրներ,- նշեց վարչապետը: - Հայաստանի և Արցախի համար խաղաղությունը միշտ եղել է գլխավոր և գերագույն նպատակը: Բռնության միջոցով որեւէ լուծման հասնել հնարավոր չէ: Մարդիկ չեն կարող իրենց հազարամյա հայրենիքը թողնել Ադրբեջանի պահանջով: Նրանք պետք է ինքնապաշտպանվեն,- նշեց Նիկոլ Փաշինյանը:

## ԵԱՀԿ ՄԻՆՍԿԻ ԽՄԲԻ ՀԱՄԱՆԱԽԱԳԱՐՆԵՐԸ ԴԱՏԱՊԱՐՏՈՒՄ ԵՆ ԲՈՆՈՒԹՅԱՆ ԵՍԿԱԼԱՑԻԱՆ

**Ռուսաստանի Դաշնությունը, Ֆրանսիան և Ամերիկայի Միացյալ Նահանգներն ամենավճռական ձևով դատապարտում են բռնության եսկալացիան Լեռնային Ղարաբաղի հակամարտության տարածքում և նրա սահմաններից դուրս:**

Այս մասին ասված է Ռուսաստանի Դաշնության արտաքին գործերի նախարար Սերգեյ Լավրովի, Ֆրանսիայի Եվրոպայի և արտաքին գործերի նախարար Ժան-Իվ Լը Դրիանի և Ամերիկայի Միացյալ Նահանգների պետքարտուղար Մայք Դոմայտի համատեղ հայտարարության մեջ:

Նախարարները միանշանակ ընդգծել են, որ վերջին հարձակումները, որոնց նպատակը, ենթադրաբար, քաղաքացիական օբյեկտներն էին՝ ինչպես շփման գծի երկայնքով, այնպես էլ՝ Հայաստանի և Ադրբեջանի տարածքներում՝ Լեռնային Ղարաբաղի հակամարտության

գոտուց դուրս, ինչպես նաև նման հարձակումների անհամաչափությունն անընդունելի սպառնալիք են տարածաշրջանում կայունության համար: Վկայակոչելով ԵԱՀԿ Մինսկի խմբի համախաղաղ երեք երկրների ղեկավարների հոկտեմբերի 1-ի հայտարարությունը՝ նախարարները կրկին կոչ են արել հակամարտության կողմերին անհապաղ և անվերապահ հաստատել իրադարձարի ռեժիմ:

### ՀՐԹԻՐԱՎՈՐՈՒՄ ԵՎ ԵՆԻՑԻ ԳՆԱՆՁԵՑՈՑ ԵՎԵՂԵՐԻ

Հայկական միասնական տեղեկատվական հարթակը հայտնում է, որ հակառակորդը հարվածել է Շուշիի խորհրդանիշ համարվող Ղազանչեցուց եկեղեցուն: Ըստ հայկական լրատվամիջոցների, Շուշիի տաճարը վերակառուցվել էր 1990-ականների մարտերից հետո:

### ՊԱՇՏՆԵՐԻ ԱՋԱՎԵԼ ԵՎ ՀԱՅԱՍՏԱՆԻ ԱՋԱՎԵԼ ՍԵՎՏԱՆԳՈՒԹՅԱՆ ԾԱՌԱՅՈՒԹՅԱՆ ՂԵՎԱԿԱՐԸ

Հայաստանի ազգային անվտանգության ծառայության ղեկավարը հեռացվել է պաշտոնից: Ըստ հայկական լրատվամիջոցների, Արգիշտի Քյարամյանի պաշտոնանկ անելու հրամանը ստորագրել է Հայաստանի նախագահ Արմեն Սարգսյանը: Հայկական լրատվամիջոցները գրում են, որ երկրի ազգային անվտանգության ծառայության ղեկավարի ժամանակավոր պաշտոնակատար է նշանակվել Միքայել Համբարձումյանը:

## ՄՈՍԿՎԱՅՈՒՄ ՌՈՒՍԱՍՏԱՆԻ ԱԳ ՆԱԽԱՐԱՐԸ ՀԱՆԴԻՊԵՑ ՀԱՅԱՍՏԱՆԻ ԵՎ ԱՂԲԵՋԱՆԻ ԱԳ ՆԱԽԱՐԱՐՆԵՐԻ ՀԵՏ

**Հոկտեմբերի 9-ին Մոսկվայում հունամիտար իրադարձարի հաստատման վերաբերյալ Ռուսաստանի նախագահ Վլադիմիր Պուտինի կողմ, կայացավ Հայաստանի, Ռուսաստանի և Ադրբեջանի արտաքին գործերի նախարարների հանդիպումը:**

Հանդիպման օրակարգում բացառապես ռազմական գործողությունների դադարեցման, հունամիտար նպատակներով դիակների և գերիների փոխանակման հարցերն են:

Լրատվամիջոցներին թույլատրվել է միայն հանդիպման մեկնարկի արարողակարգային նկարահանում, ապա քննարկումները շարունակվել են փակ դռների հետևում:

## ՀԱՅԱՍՏԱՆԻ ԱՌՈՂՋԱՊԱՐՏՈՒԹՅԱՆ ՆԱԽԱՐԱՐՈՒԹՅՈՒՆԸ ԿՈՉ Ե ԱՆՈՒՄ ՊԱՐՊԱՆԵԼ ՀԱԿԱՐԱՄԱՎԱՐԱԿԱՅԻՆ ԿԱՆՈՆՆԵՐԸ

**Հայաստանի առողջապահության նախարարությունը կոչ է անում անտարբերության չմատնել COVID-19-ով պայմանավորված համաճարակային իրավիճակը, լինել զգոն, խստիվ պահպանել հակահամաճարակային կանոնները:**

Հայաստանի առողջապահության նախարարության տարածած հաղորդագրության մեջ նշված է, որ վերջին օրերին համայն հայության ողջ ուշադրությունը սեւեռված է Ադրբեջանի կողմից սանձազերծված լայնածավալ պատերազմի հետևանքով ստեղծված իրավիճակին: Կենցաղ-մահու կռիվ է, և այս համատեքստում մյուս խնդիրները մղվում են հետին պլան: Սակայն պետք է ողջամիտ լինել և չթուլանալ: Այս օրհասական պահին խիստ կարևոր է չկորցնել

զգոնությունը, անտարբերության չմատնել աշխարհում, և այդ թվում՝ նաև Հայաստանում COVID-19-ով պայմանավորված համավարակային իրավիճակը: Օրեցօր ավելացող հիվանդացության դեպքերը փաստում են, որ այն ոչ մի կերպ չի նահանջել, ավելին՝ Հայաստանի ողջ տարածքում վերջին օրերին դիտվում է կորոնավիրուսային հիվանդության նկատելի աճ՝ պատերազմի պայմաններում ավելացնելով առողջապահական համակարգի ծանրաբեռնվածությունը և, ցավոք, խլում է կյանքեր:

«Սիրելի՛ ժողովուրդ, անգամ այս լարվածության մեջ անհրաժեշտ է խստիվ պահպանել հակահամաճարակային կանոնները: Կրկին ու կրկին կոչ ենք անում լինել ավելի զգոն, շարունակել կրել դիմակ, պահպանել սոցիալական հեռավորությունն ու ձեռքերի հիգիենան: Հարկ է հիշեցնել, որ ինչպես համաճարակի ողջ ընթացքում, այնպես էլ՝ հիմա, առավել քան կարևոր է մեր քաղաքացիների առողջությունն ու մարտունակությունը: Եվս մեկ անգամ հորդորում ենք՝ ցանկացած իրավիճակում լինել հետեւողական, պահպանել հակահամավարակային կանոնները՝ այն գիտակցմամբ, որ կարող եմք կանխել հիվանդության տարածումը, ինչն առողջ և ամուր կպահի մեր թիկունքը»,- ասված է հաղորդագրության մեջ:

ԵԿԵՂԵՑԱԿԱՆ

ՀՈԿՏԵՄԲԵՐ

12.10.2020 Աղվանքի Սուրբ Գրիգորիս կաթողիկոսի նշխարների գտնվելու, թաթուլ եւ վարոս, թուճա, Անտոն, Կրոնիդես սուրբ հայրերի ու յոթ խոտաճարակների օր



15.10.2020 Սուրբ Դիոնիսիոս Արիսպագացու, Տիմոթեոս եւ Տիտոս առաքյալների հիշատակության օր

17.10.2020 Սուրբ Մատթեոս, Մարկոս, Ղուկաս եւ Հովհաննես Ավետարանիչների հիշատակի տոն

ՇՆՈՐՀԱՎՈՐԱՆՔ

Բուլնիսիի մունիցիպալիտետի Բուլնիս-Խաչեն գյուղի հանրային դպրոցի աշխատակազմը ի սրտե շնորհավորում է դպրոցի տնօրեն Հրանուշ Խուբլարյանին ծննդյան օրվա առիթով:



Հարգարժան Հրանուշ, մաղթում ենք Ձեզ քաջառողջություն, հաջողություններ, անսպառ եռանդ ու պսակվող հաջողություններ գործնական եւ անձնական կյանքում:

«Վրաստան» թերթի խմբագրությունը եւս միանում է շնորհավորանքին եւ տիկին Հրանուշին մաղթում երջանկություն, ձեռքբերումների առատություն տնօրենի շնորհակալ գործում:

ՖՈՒՏԲՈԼ

ՎՐԱՍՏԱՆԻ ՀԱՎԱՔԱԿԱՆԸ ԵՎՐՈՊԱՅԻ ԱՌԱՋՆՈՒԹՅԱՆ ՈՐԱԿՎՈՐՄԱՆ ՓՈՒԼԻ ՓԼԵՅ-ՕՖՖԻ ԵԶՐԱՓՈՎԿՉՈՒՄ

Հոկտեմբերի 8-ին Վրաստանի հավաքականը, Եվրոպայի առաջնության որակավորման փուլի փլեյ-օֆֆի կիսաեզրափակչում, հանդիպում ունեցավ Բելառուսի հավաքականի հետ եւ հաղթեց 1:0 հաշվով:

Այդ հաղթանակը Վրաստանի ազգային ընտրանուն հնարավորություն ընձեռեց նոյեմբերի 12-ին Թբիլիսիում, Եվրոպայի առաջնության որակավորման փուլի փլեյ-օֆֆի եզրափակչի շրջանակներում, իր ուժերը չափել Հյուսիսային Մակեդոնիայի հավաքականի հետ: Այդ մրցամարտի հաղթողը կնվաճի Եվրոպայի առաջնության մասնակցի ուղեգիր:

Նշենք, որ ՈՒԵՖԱ-ի որոշմամբ, 2020-2021 թվականների սեզոնի ազգերի լիգայի հանդիպումը Հայաստանի եւ Վրաստանի հավաքականների միջեւ կանցկացվի չեզոք մարզադաշտում, Լեհաստանում, հոկտեմբերի 11-ին:

ՄԻՔԱՅԵԼ ԳՐԻԳՈՐՅԱՆԻ ՀԻՇԱՏԱԿԻՆ

Երկրային կյանքին հրաժեշտ տվեց եւս մի երեւելի անհատականություն՝ Թբիլիսիի Պետրոս Աղամյանի անվան պետհայրամայի թատրոնի նախկին գլխավոր ռեժիսոր, Վրաստանի արվեստի վաստակավոր գործիչ Միքայել Կարապետի Գրիգորյանը, ում կյանքի իմաստն ու բովանդակությունը թատրոնն էր...

Հայաստանի մշակույթի նախարարության «Գրիգոր Նարեկացի» հուշամեդալի:



Այո՛, զարմանահրաշ երեւոյթ էր Միքայել Գրիգորյանը: Նրա հետ իմ հանդիպումների ու շփումների ժամանակ հաճախ էինք զրուցում կյանքի, արվեստի (ոչ միայն թատերական) բազմապիսի խնդիրների շուրջ: Ինձ միշտ հիացմունք են պատճառել նրա խոր, իմաստուն եզրահանգումները կյանքի, մասնավորապես՝ թատերական արվեստի խնդիրների շուրջ: Հիանալի գիտեր համաշխարհային թատերարվեստի պատմությունը՝ արժեքները գնահատելիս դրսեւորում էր հիմնավոր իմաստություն:

Այս բոլորն արդյունք էր նրա մարդկային էության: Չէր տեղավորվում իր պատկերացմամբ սարքված, անհեթեթ կանոնների, սահմանափակումների մեջ:

Շատերին էր թվում, որ Միքայել Գրիգորյանը խուսափում է մարդկանցից: Սակայն, նա մարդկանց սիրում էր բոլորից շատ: Թվացյալ մեկուսացումն ինքնապաշտպանության ձեւ էր պարզապես, չհասկացվելու, հուսախաբություն չապրելու երկյուղ: Ներքին, բնածին մի ազնվականություն կար նրա մեջ, որ գալիս էր ծնողներից, ընտանեկան այն պարզ միջավայրից, որտեղ նա մեծացել էր:

Միքայել Գրիգորյանի ծառայությունները թատրոնին անկասկածաբար արժանացրին Վրաստանում և Եվրոպայում: Նա պարզեատրվել է մեդալներով ու պատվոգրերով, արժանացել է Վրաստանի «Պատվո շքանշանի» եւ

Ինչպե՞ս հաշտվել այս կորստի հետ եւ այն մեծ ամայության, որ իրենից հետո միշտ թողնում են լուսավոր, պայծառ մարդիկ: Այնքա՛ն ասելիք կա նրա մասին, սակայն չկա ինքը՝ տաղանդավոր մարդը, տաղանդավոր ռեժիսորը: Բայց իր կյանքի, մեր համատեղ անցկացրած կյանքի վկայված պատմությունը դեռ երկար քայլելու է իր հետքերով, նրա քայլերի արձագանքն ուղեկցելու է մեզ՝ մեր ամբողջ կյանքում, նա ապրելու եւ ապրեցնելու է ու երբեք չի բացակայելու թե՛ մենության պահերին, թե՛ ընկերական բուռն հավաքներին:

Նրա ծիծաղը հնչելու է միշտ, այդպես ենք մենք նրան հիշելու, իսկ նա մեծ բանաստեղծի նման ամեն ակնթարթ կեսկատակ-կեսլուրջ հիշեցնելու է մեզ՝ «Ինձ բացակա չընենք»:

Ունի մեծ գրիգորյան Թբիլիսիի Պետրոս Աղամյանի անվան պետհայրամայի թատրոնի փոխտնօրեն

Table with 8 columns and 10 rows, containing numbers 1 through 60 in a grid pattern.

Խ Ա Չ Բ Ա Ռ

ՀՈՐԻԶՈՆԱԿԱՆ. 1. Դրիմուն ծնված հայազգի աշխարհահռչակ ծովանկարիչ: 6. Մթերքը պահելու գետնահարկ շինություն: 9. Գնչուների նշանը: 11. Գովազդային գործակալություն Թբիլիսիում: 11. Հնագույն զենք: 12. Հովի. Թումանյանի ստեղծագործություններից: 14. Աշակերտ, սովորող: 15. Ե. Չարենց՝ «...ն ու Ալին»: 16. Գետ Վրաստանում: 17. Նկարչի ստեղծածը: 19. Ամերիկացի գրող: 20. Գյուղ Վրաստանի Կախեթի տարածաշրջանում: 21. Մաշտոցյան այբուբենի զինվոր: 22. Անիվ: 25. «... ժայռերը արծվի բույն» (Ավ. Իսահակյան): 28. Քարի տեսակ: 30. Աստվածաշնչյան զենք: 32. Հայկական ամսանուն: 33. Ներքին օրգան: 34. Ցուցական դերանուն: 35. Թունավոր օձ: 37. Նար-Դոսի ստեղծագործություններից՝ «... Սարոյան»: 38. Անշունչ առարկա: 40. Հայ կին դիվանագետ, ճապոնիայի դեսպանը՝ ... Աբգար: 42. Մեքենայի մաս: 45. Կինոյի հատված: 46. Անկաշկանդ, ոչ կասկածելի: 48. Հանգիստ, խաղաղ: 49. ... արտահայտող, բովանդակություն ունեցող: 51. Չոր եղանակ, ոչ տեղումնառատ: 54. Բաֆ-ֆու վեպի հերոսուհի: 56. Ե՛վ գյուղ, ե՛լ գինի: 60. Գյուղ Վրաստանում, Փարվանա լճի ափին: 61. Շոթա Ռուսթավելու գրական հերոսուհի: ՈՒՂՂԱՆՅԱԾ. 1. Քաղաք Իրաքում: 2. Ե՛վ Չալը-ՆԱԽՈՐԴ ՀԱՄԱՐԻ ԽԱՉԲԱՈՒ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 2. Երախ: 4. Գագաթ: 7. Պտուղ: 8. Ուզին: 9. Տյուն: 10. Ասպատակ: 14. Գզիրն: 16. Կալ: 18. Հովատակ: 22. Ոնց: 24. Բիրեմա: 25. Թեա: 26. Իցա: 28. Թագուհի: 31. Յոգուրտ: 34. Կորալ: 35. Անմիտ: 36. Ունիտա: 38. Կանեփ: 41. Կարգ: 44. Լետա: 45. Տեգր: 46. Կեկել: 48. Կաթ: 50. Աքաղաղ: 51. Տուլեդ: 52. Պաշար: 53. Լից: ՈՒՂՂԱՆՅԱԾ. 1. Սպիտակ: 2. Եղունգ: 3. Խոնարի: 4. Գրիպ: 5. Գրատ: 6. Թզուկ: 11. Սնոր: 12. Ալար: 13. Արամ: 15. Զանի: 17. Աբելյան: 19. Վիպակ: 20. Տելուր: 21. Կաթիլ: 23. Ցորոմ: 27. Ագատ: 29. Գոռալ: 30. Հավետ: 32. Ունակ: 33. Տիար: 36. Ուստյան: 37. Ինգմար: 39. Ներկել: 40. Փաթթոց: 42. Աբելա: 43. Գրետա: 46. Կապ: 47. Լոր: 49. Արի:

Three boxes containing contact information for VRASTAN, including phone numbers, website, and address in Tbilisi, Georgia.